



KEMENTERIAN KERJA RAYA
MALAYSIA

KENYATAAN MEDIA

PROJEK MENAIKTARAF JALAN KUCHING-SERIAN DARI BATU 10 KE BATU 15, KUCHING, SARAWAK

1. Kementerian Kerja Raya (**KKR**) meneruskan kelangsungan projek naiktaraf jalan dari Batu 10 ke Batu 15 Jalan Kuching-Serian yang merupakan *missing link* Pan Borneo Sarawak.
2. Walaupun Jalan Kuching-Serian dari Batu 15 hingga Bandar Serian telah dinaiktaraf kepada 4 lorong 2 hala pada 2005, jajaran dari Batu 10 ke Batu 15 ini masih 2 lorong 2 hala dan menyebabkan “*bottleneck*” yang membawa kepada kesesakan trafik dengan Level of Service (LOS) peringkat ‘F’.
3. Projek naiktaraf jalan ini, telah diluluskan pelaksanaannya oleh Kerajaan Persekutuan pada tahun 2014 dalam Rolling Plan Ke-4 Rancangan Malaysia Ke-10 (RMKe-10).
4. Skop Projek ini ialah ;
 - i. menaiktaraf jalan sedia ada daripada 2 lorong 2 hala kepada 4 lorong 2 hala dengan piawaian U5 sepanjang 9.2 kilometer(km);
 - ii. Membina 4 jambatan baru dan Mengganti 1 jambatan lama;
 - iii. Menaiktaraf 5 persimpangan utama;
 - iv. Menyediakan kemudahan 5 *U-turns* di persimpangan dan 1 *Roundabout* – WD50;
 - v. Menyediakan 1 *right turn lane*;
 - vi. Menyediakan 10 lokasi *bus lay-by*;
 - vii. Pengalihan utiliti dan pengambilan balik tanah;
 - viii. Pemasangan lampu jalan dan perabot jalan.

1/2

Dikeluarkan oleh:

Unit Komunikasi Korporat | Kementerian Kerja Raya Malaysia

☎ : 03- 8000 8000 / D.L :03-2771 4616 / 4627 | 📠 : 03-2711 1101

Laman Web : www.kkr.gov.my |  Kementerian Kerja Raya |  @MOWorks |  Pro@kk.gov.my

5. Pelaksanaan projek naiktaraf jalan ini apabila siap kelak bakal memberi impak sosial dan ekonomi kepada pembangunan di Kuching khususnya dan di Negeri Sarawak amnya yang signifikan seperti;
 - i. Menyediakan rangkaian jalan raya yang lebih selesa dan sempurna bagi menampung peningkatan aliran trafik tahun demi tahun;
 - ii. Meningkatkan keselamatan dan meminimumkan risiko kemalangan berikutan jalan sedia ada adalah sempit yang membahayakan pengguna jalan raya yang ingin memotong kenderaan di hadapan;
 - iii. Merangsang kegiatan ekonomi di sepanjang laluan dengan pertambahan pusat perumahan, pusat komersial dan lain-lain.

KEDUDUKAN TERKINI PELAKSANAAN LEBUHRAYA PAN BORNEO SARAWAK (LPBS)

6. Bagi pelaksanaan Lebuhraya Pan Borneo Sarawak (LPBS) pula, projek ini telah pun bermula setelah dilancarkan oleh YAB Perdana Menteri pada 31 Mac 2015. Projek Jajaran Permulaan dari Simpang Nyabau ke Simpang Bakun, sepanjang 44km ini kini sedang rancak dilaksanakan dan dijangka siap sepenuhnya pada Oktober 2017.
7. Selanjutnya, jajaran jalan baharu dari Telok Melano ke Sematan sepanjang 33km telah dilancarkan pada 15 September 2015. Manakala baki jajaran Lebuhraya Pan Borneo Sarawak yang lain sedang dan akan ditender secara berperingkat sepanjang tahun 2016.

KEMENTERIAN KERJA RAYA MALAYSIA
10 DISEMBER 2015

2/2

Dikeluarkan oleh:

Unit Komunikasi Korporat | Kementerian Kerja Raya Malaysia

☎ : 03- 8000 8000 / D.L :03-2771 4616 / 4627 | 📠 : 03-2711 1101

Laman Web : www.kkr.gov.my |  Kementerian Kerja Raya |  @MOWorks |  Pro@kk.gov.my